


Komentar monetarnih kretanja u februaru 2023. godine

Ukupna novčana masa (M2) na kraju februara 2023. godine iznosila je 33,19 milijardi KM, u odnosu na prethodni mjesec registrovan je porast novčane mase za 52,2 miliona KM (0,2%). Porast novčane mase (M2) u februaru 2023. godine, rezultat je smanjenja novca (M1) za 86,6 miliona KM (0,4%) i povećanja kvazi novca (QM) za 138,8 miliona KM (1,0%). Gotovina izvan banaka je povećana za 28,8 miliona KM (0,5%), dok su prenosivi depoziti u domaćoj valuti smanjeni za 115,4 miliona KM (0,8%), što je rezultiralo smanjenjem novca (M1). Povećanje kvazi novca (QM) rezultat je porasta prenosivih depozita u stranoj valuti za 72,2 miliona KM (2,1%) i ostalih depozita u stranoj valuti za 101,1 milion KM (1,5%) i smanjenja ostalih depozita u domaćoj valuti za 39,5 miliona KM (1,4%).

Na godišnjem nivou, porast novčane mase (M2) u februaru 2023. godine iznosio je 1,72 milijarde KM (5,5%). Rast je ostvaren kod gotovine izvan banaka za 304,2 miliona KM (5,4%), kod prenosivih depozita u domaćoj valuti za 1,40 milijardi KM (11,5%) i prenosivih depozita u stranoj valuti za 332,4 miliona KM (9,8%), uz istovremeno smanjenje ostalih depozita u domaćoj valuti za 174,9 miliona KM (5,7%) i ostalih depozita u stranoj valuti za 150,1 milion KM (2,1%).

Monetarni agregati



Protustavka povećanju novčane mase (M2) na mjesečnom nivou u februaru 2023. godine u iznosu od 52,2 miliona KM (0,2%) je smanjenje neto strane aktive (NSA) za 213,5 miliona KM (1,1%) i povećanje neto domaće aktive (NDA) za 265,7 miliona KM (1,9%). Porast novčane mase (M2) na godišnjem nivou od 1,72 milijarde KM (5,5%), rezultat je porasta neto strane aktive (NSA) za 89,5 miliona KM (0,5%) i neto domaće aktive (NDA) za 1,63 milijarde KM (13,0%).

Monetarni pregled

	Stanje u mil. KM	Mjesečne promjene u mil. KM			Godišnje stope rasta u %		
	II 2023	XII 2022	I 2023	II 2023	XII 2022	I 2023	II 2023
Aktiva							
1. Neto strana aktiva	19.086,8	235,0	29,3	-213,5	0,8	0,2	0,5
1.1. Strana aktiva	20.758,1	225,9	-90,6	-235,8	0,1	-0,6	-0,4
1.2. Strana pasiva	-1.671,2	9,1	119,8	22,3	-7,0	-8,9	-9,7
2. Neto domaća aktiva	14.098,2	183,2	-136,5	265,7	12,7	12,0	13,0
2.1. Potraživanja od centralne vlade (neto), kantona i općina	404,0	-133,9	170,3	150,7	-137,6	-226,8	-305,3
2.2. Potraživanja od domaćih sektora	21.008,4	118,2	-192,8	143,0	5,4	5,1	5,1
2.3. Ostale stavke	-7.314,2	198,9	-114,0	-28,0	-2,6	-0,3	-0,2
Pasiva							
1. Novčana masa (M2)	33.185,0	418,2	-107,2	52,2	5,5	4,8	5,5
1.1. Novac (M1)	19.625,8	484,4	-166,2	-86,6	10,9	10,3	9,5
1.2. Kvazi novac (QM)	13.559,2	-66,2	59,0	138,8	-1,7	-2,3	0,1

Kreditni

Ukupni krediti domaćim sektorima na kraju februara 2023. godine iznosili su 22 milijarde KM, u odnosu na prethodni mjesec zabilježeno je povećanje od 136,2 miliona KM (0,6%). Kreditni rast registrovan je kod sektora stanovništva za 32,6 miliona KM (0,3%), nefinansijskih javnih preduzeća za 15 miliona KM (2,5%) i privatnih preduzeća za 105,4 miliona KM (1,2%). Smanjenje kreditnog rasta je registrovano kod vladinih institucija za 10 miliona KM (0,9%) i kod ostalih domaćih sektora za 6,7 miliona KM (3,9%).

Godišnja stopa rasta ukupnih kredita u februaru 2023. godine iznosila je 4,5%, nominalno 952,2 miliona KM. Godišnji rast kredita registrovan je kod sektora stanovništva za 562,8 miliona KM (5,4%), privatnih preduzeća za 342,9 miliona KM (3,9%) i nefinansijskih javnih preduzeća za 97,5 miliona KM (19,0%). Smanjenje kreditnog rasta na godišnjem nivou registrovano je kod vladinih institucija za 47,8 miliona KM (4,2%) i kod ostalih domaćih sektora za 3,1 milion KM (1,9%).

Sektorska struktura kredita

	Stanje u mil. KM II 2023	Mjesečne promjene u mil. KM			Godišnje stope promjene u %		
		XII 2022	I 2023	II 2023	XII 2022	I 2023	II 2023
Ukupno	22.006,0	101,4	-198,3	136,2	4,7	4,5	4,5
Od toga:							
Stanovništvo	11.003,3	23,0	-7,6	32,6	5,2	5,5	5,4
Privatna preduzeća	9.124,5	15,9	-136,4	105,4	4,3	3,7	3,9
Vladine institucije	1.103,1	-2,3	-9,7	-10,0	-4,9	-4,5	-4,2
Javna preduzeća	611,4	44,5	-29,9	15,0	22,6	17,7	19,0
Kreditni ostalim domaćim sektorima	163,7	20,3	-14,6	-6,7	6,3	1,2	-1,9

Depoziti

Ukupni depoziti domaćih sektora na kraju februara 2023. godine iznosili su 29,19 milijardi KM, u odnosu na prethodni mjesec depoziti su povećani za 141,2 miliona KM (0,5%). Rast depozita na mjesečnom nivou registrovan je kod sektora stanovništva za 184,6 miliona KM (1,3%) i kod nefinansijskih javnih preduzeća za 31,9 miliona KM (1,6%). Kod ostalih sektora došlo je do smanjenja depozita, i to kod privatnih preduzeća za 24,4 miliona KM (0,4%), kod vladinih institucija za 8,4 miliona KM (0,2%) i kod ostalih domaćih sektora za 42,5 miliona KM (2,3%).

Godišnja stopa rasta ukupnih depozita u februaru 2023. godine iznosila je 5,8%, što je u apsolutnom iznosu 1,60 milijardi KM. Godišnji rast depozita registrovan je kod svih sektora, i to: stanovništvo za 322,3 miliona KM (2,2%), vladine institucije za 315,4 miliona KM (8,0%), privatna preduzeća za 840,7 miliona KM (15,4%), nefinansijska javna preduzeća za 95,6 miliona KM (5,0%) i ostali domaći sektori za 29,3 miliona KM (1,6%).

Sektorska struktura depozita

	Stanje u mil. KM II 2023	Mjesečne promjene u mil. KM			Godišnje stope promjene u %		
		XII 2022	I 2023	II 2023	XII 2022	I 2023	II 2023
Ukupno	29.185,2	496,8	-185,1	141,2	5,0	4,0	5,8
Od toga:							
Stanovništvo	14.835,2	297,1	75,1	184,6	-0,8	-0,7	2,2
Privatna preduzeća	6.296,0	127,2	175,5	-24,4	11,0	11,5	15,4
Vladine institucije	4.254,5	121,6	-346,0	-8,4	14,7	9,5	8,0
Javna preduzeća	1.993,8	41,5	-52,0	31,9	11,6	6,1	5,0
Depoziti ostalih domaćih sektora	1.805,8	-90,6	-37,7	-42,5	6,1	4,6	1,6

Devizne rezerve

Devizne rezerve Centralne banke BiH na kraju februara 2023. godine iznosile su 15,37 milijardi KM. U odnosu na prethodni mjesec zabilježeno je smanjenje deviznih rezervi od 582,3 miliona KM (3,7%), dok su na godišnjem nivou devizne rezerve Centralne banke BiH manje za 975 miliona KM (6,0%).

U odnosu na prethodni mjesec, u strukturi deviznih rezervi došlo je do smanjenja investicija u vrijednosne papire za 108,9 miliona KM (1,6%), kao i depozita kod nerezidentnih banaka za 452,9 miliona KM (5,4%).